



**MEĐUNARODNA NAUČNA KONFERENCIJA  
SARAJEVSKI FILOLOŠKI SUSRETI 6  
(SARAJEVO, 10–11. JUNA 2021)**

***Obavijest o promjeni termina održavanja konferencije***

Poštovane kolegice i kolege,

budući da se usljed pandemije COVID-19 i mnogih nepoznanica u vezi s njom cijeli svijet našao u situaciji u kojoj putovanje može predstavljati rizik te da je teško dugoročno planirati aktivnosti u kojima sudjeluje veći broj osoba, Organizacioni odbor međunarodne naučne konferencije *Sarajevski filološki susreti 6* donio je odluku da se promijeni termin održavanja konferencije. Umjesto 1–2. oktobra 2020. godine, kako je ranije planirano,

***Sarajevski filološki susreti 6 održat će se 10–11. juna 2021. godine u Sarajevu.***

Ova promjena termina omogućuje i prilagođavanje ostalih značajnih datuma.

**Prijave za sudjelovanje** mogu se dostaviti organizatoru najkasnije do **31. januara 2021. godine**.

**Obavijest o prihvatanju** sudjelovanja na konferenciji prijavljeni će dobiti najkasnije do **5. marta 2021. godine**.

**Preliminarni program konferencije** bit će dostupan najkasnije do **10. maja 2021. godine**.

**Konačni program konferencije** učesnici će dobiti najkasnije do **1. juna 2021. godine**.

Rok za dostavljanje radova za zbornik je **31. oktobar 2021. godine**.

*Sarajevski filološki susreti* jesu međunarodna naučna konferencija čiji je organizator Bosansko filološko društvo u Sarajevu. Riječ je o naučnom skupu iz oblasti filologije, tj. lingvistike i nauke o književnosti, koji se održava svake druge godine u Sarajevu. Prvi *Sarajevski filološki susreti* održani su 2010. godine. U radu dosadašnjih pet konferencija učestvovalo je više od 350 istraživača iz desetak evropskih zemalja.

*Sarajevski filološki susreti 6* bit će posvećeni sljedećim temama:

#### I. Lingvistika

1. *Komunikacijska perspektiva jezika (Jezik i komunikacija)*
2. *Tekstološke karakteristike bosanskih srednjovjekovnih rukopisa*
3. *Gramatičke i semantičke kategorije rečenice*

#### II. Nauka o književnosti

1. *Književnost i globalizacija*
2. *Stari tekstovi i nova čitanja u književnosti Bosne i Hercegovine*

Uz bosanski jezik, radni su jezici konferencije i svi drugi slavenski jezici te engleski jezik.

Prijave za učešće na konferenciji podnose se na jeziku konferencijskog izlaganja isključivo putem **elektronskog prijavnog obrasca** koji ste dobili uz ovaj poziv, na adresu [sarajevskifiloloskisusreti6@gmail.com](mailto:sarajevskifiloloskisusreti6@gmail.com), najkasnije do **31. januara 2021. godine**. Obavještenje o prihvatanju učešća učesnici konferencije dobit će najkasnije do **5. marta 2021. godine**.

Učesnici konferencije sami snose putne troškove te troškove boravka u Sarajevu. Organizator će učesnicima pružiti pomoć i poslati sve potrebne obavijesti u vezi sa smještajem i boravkom u Sarajevu. Učesnici konferencije bit će uredno obavještavani i o drugim pojedinostima važnim za njihov boravak u Sarajevu i učešće na konferenciji.

Kotizacija za učešće na konferenciji iznosi **80 KM (40 eura)**, a za doktorande **40 KM (20 eura)**. Kotizacija se plaća prilikom registracije prvoga dana konferencije. Plaćanjem kotizacije učestvujete u pokrivanju troškova konferencije te pripreme i štampanja zbornika radova.

Preliminarni program konferencije bit će dostupan najkasnije do **10. maja 2021. godine**, dok će konačni program konferencije učesnici dobiti najkasnije do **1. juna 2021. godine**.

Prihvaćena konferencijska izlaganja bit će objavljena u zasebnom zborniku konferencijskih radova u izdanju Bosanskoga filološkog društva. Konačne verzije konferencijskih izlaganja namijenjene objavljivanju u zborniku radova trebaju biti dostavljene u elektronskom obliku na adresu elektronske pošte [sarajevskifiloloskisusreti6@gmail.com](mailto:sarajevskifiloloskisusreti6@gmail.com) najkasnije do **31. oktobra 2021. godine**.

Cjelovite upute za oblikovanje konačnih verzija konferencijskih izlaganja namijenjenih objavljivanju u zborniku dostupne su na internetskoj stranici organizatora [www.bfd.ba](http://www.bfd.ba).

Za sve dodatne obavijesti i pojašnjenja potrebno je obratiti se na adresu elektronske pošte [sarajevskifiloloskiskusreti6@gmail.com](mailto:sarajevskifiloloskiskusreti6@gmail.com).

Predsjednik Organizacionog odbora

Prof. dr. Halid Bulić

Sekretar Organizacionog odbora

Elmir Spahić, MA

Organizacioni odbor

Prof. dr. Munir Drkić

Azra Hodžić-Čavkić, MA

Prof. dr. Adnan Kadrić

Prof. dr. Sanjin Kodrić

Prof. dr. Ksenija Kondali

Prof. dr. Munir Mujić

Prof. dr. Ismail Palić

Prof. dr. Vahidin Preljević

Doc. dr. Mirza Sarajkić